

Član 10.

Komisija je obavezna najmanje jedanput godišnje izvještavati Općinsko vijeće o tekućim aktivnostima i fazama rada.

7. ZAVRŠNE ODREDBE

Član 11.

Odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-706/21
25. februara 2021. godine
Trnovo

Predsjedavajuća
Općinskog vijeća Trnovo
Amina Dedić, s. r.

Odluka objavljena na oglasnoj ploči Općine Trnovo dana 25.02.2021. godine

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06) i člana 24. i 71. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 2. sjednici održanoj 24.02.2021. godine, donijelo je

**ODLUKU
O ODRŽAVANJU I PROVOĐENJU IZBORA ZA
SAVJETE MJESNIH ZAJEDNICA NA PODRUČJU
OPĆINE TRNOVO**

Član 1.

Izbori za Savjete mjesnih zajednica na području Općine Trnovo, održat će se najkasnije u roku od 60 dana od dana stupanja na snagu ove Odluke.

Izbori za Savjete mjesnih zajednica provest će se po postupku utvrđenim Statutima mjesnih zajednica i Statutom Općine.

Član 2.

Izborne aktivnosti u mjesnim zajednicama obavezni su provesti dosadašnji Savjeti mjesnih zajednica, u saradnji sa nadležnom Općinskom službom za upravu i Općinskom izbornom komisijom, nakon čega će Općinskom vijeću Trnovo podnijeti Izvještaj o provedenim izborima u roku od 15 dana od dana provođenja izbora.

Općinsko vijeće verifikovat će rezultate izbora u roku od 15 dana od dana održavanja izbora.

Nakon verifikacije iz prethodnog stava izabrani članovi Savjeta mjesnih zajednica stiču prava i dužnosti utvrđena Statutima mjesnih zajednica.

Član 3.

Ova Odluka stupa na snagu danom objavljivanja na oglasnoj ploči Općine Trnovo, a naknadno će se objaviti i u "Službenim novinama Kantona Sarajevo".

Broj 01-02-703/21
25. februara 2021. godine
Trnovo

Predsjedavajuća
Općinskog vijeća Trnovo
Amina Dedić, s. r.

Odluka objavljena na oglasnoj ploči Općina Trnovo dana 25.02.2021. godine.

Na osnovu člana 29. i 46. Zakona o lokalnoj samoupravi - Prečišćeni tekst ("Službene novine Kantona Sarajevo", broj 22/00), člana 363. Zakona o stvarnim pravima ("Službene novine Federacije BiH", broj 66/13 i 100/13), člana 3. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova ("Službene novine Federacije BiH", broj 17/14) i člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće

Trnovo, na 2. sjednici, održanoj dana 24.02.2021. godine, donosi

**ODLUKU
O IZMJENAMA ODLUKE O NAČINU I UVJETIMA
RASPOLAGANJA NEKRETNINAMA U VLASNIŠTVU
OPĆINE TRNOVO U SKLOPU URBANISTIČKOG
PROJEKTA "POSLOVNO SPORTSKI CENTAR
TRNOVO"**

Član 1.

U Odluci o o načinu i uvjetima raspolaganja nekretninama u vlasništvu općine Trnovo u sklopu Urbanističkog projekta "Poslovno sportski centar Trnovo" ("Službene novine Kantona Sarajevo", broj 2/19) u članu 2. stav (2) broj "36,00 KM/m²" zamjenjuje se brojem "39,00 KM/m²"

Član 2.

U članu 3. riječi "na depozitni račun Općine Trnovo broj 3380002205001259 kod UniCredit Bank d.d." zamjenjuju se riječima "na depozitni račun Općine Trnovo broj 1028390000014396 kod Union banke d.d."

Član 3.

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-709/21
25. februara 2021. godine
Trnovo

Predsjedavajuća
Općinskog vijeća Trnovo
Amina Dedić, s. r.

Odluka objavljena na oglasnoj ploči Općine Trnovo dana 25.02.2021. godine

**OPĆINA VOGOŠĆA
Općinsko vijeće**

Na osnovu člana 52. stav 1. i člana 71. Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 45/12 - Prečišćen tekst, 26/14, 46/17, 18/19, 20/20 i 24/20 - ispravka) i člana 70. stav 1. tačka 2. Statuta Općine Vogošća ("Službene novine Kantona Sarajevo", broj 27/14 - Prečišćeni tekst, 14/15 i 9/20), Općinsko vijeće Vogošća, na sjednici održanoj dana 25.02.2021. godine, donijelo je

**ODLUKU
O ODOBRAVANJU I IZDVAJANJU NOVČANIH
SREDSTAVA IZ BUDŽETA OPĆINE VOGOŠĆA ZA
2021. GODINU ZA RVI 100% I GRUPE -
PARAPLEGIČARE SA MJESTOM PREBIVALIŠTA NA
PODRUČJU OPĆINE VOGOŠĆA**

Član 1.

Iz Budžeta Općine Vogošća za 2021. godinu, odobrava se izdvajanje novčanih sredstava u mjesečnom novčanom iznosu od po 200,00 KM za RVI 100% I grupe - paraplegičare koji su korisnici prinadležnosti u Službi boračko-invalidske i socijalne zaštite Općine Vogošća.

Član 2.

Novčana sredstva iz člana 1. ove Odluke će biti isplaćena sa granta "Pomoć borcima, porodicama poginulih, umrlih, ranjenim borcima, invalidnim licima i pomoć za liječenje", ekonomski kod 614232 iz Budžeta Općine Vogošća za 2020. godinu.

Član 3.

Za realizaciju ove Odluke zadužuje se Općinski načelnik, Služba za boračko-invalidsku i socijalnu zaštitu i Služba za budžet i finansije Općine Vogošća, svako u okviru svojih nadležnosti.